



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Religiösè surgendi.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

HOROLOGII SCHOLASTICORUM. HORA IV.

Matutina.

AUdito campanæ signo alacriter surge: hoc enim signum magni Regis est, signum obedientiæ & vox dilecti est: ac proinde ne tergiverferis, aliàs diem ab imperfectione & inobedientia auspicaris, gratiæq; divinæ obicem nonnullū ponis. Surge igitur velociter, more R.P. Stredonii, qui audito manè regulari ad surgendum signo, exiebat sine mora. cap. 5. vite. Vince te, diem perfectè inchoa, & hanc tui victoriam, velut diei primitias Deo immola: quò multum conferet temperans & modica diei præcedentis ccena.

P R A X I S I.

Religiosè surgendi.

I. **E**Xpergefactus, statim exclusis omnibus aliis cogitationibus, animum applica ad id, quod paulò post meditaturus es. Ita præscribit S. Pater noster in Lib. Exercit. addit. 2. jam te velut reum, jam tanquam

I quam vinculum Judici sistendum cogita. Et his vel aliis pro meditandarum rerum genere cogitationibus imbutus, vestes indue. Vel, si placet;

II. His rite peractis, sacra nomina in-clama: Jesus Maria, Joseph, Ignatius, Xaverius, adeste! Deinde in sequentes affectus ferventer erumpe: Deus Deus meus ad te de luce vigilo: Cor meum & caro mea exultaverunt in Deum vivum: sitivit in te anima mea, quàm multipliciter tibi caro mea. Psal. 62.

III. In nomine Domini nostri Jesu Christi crucifixi surgo; qui me pretioso suo sanguine redemit; ille me benedicat, regat, custodiat & ad vitam perducatur æternam. Gloria Patri, qui creavit nos, gloria Filio, qui redemit nos; gloria Spiritui sancto, qui sanctificavit nos. Benedicta sit sancta & individua Trinitas nunc & semper, & per infinita sæcula sæculorum. Amen.

IV. Dum vestes induis, nisi materiã meditationis ruminandã occuperis. A Deo Patre, pete, ut induas novum hominem, quod S. P. N. requirit in Constit.

Fac me, Pater æterne, exuere veterem

ho-

hominem cum actibus suis, & induere novum, qui secundum Deum creatus est in justitia & sanctitate veritatis. Ad Ephes. 4.

A FILIO DEI.

Pete indui ejus insignibus, ut optat
S.P.N. c. 4. Exam.

INdue me Jesu Christe, Rex gloriae, virtutum tuarum insignibus, ut impleam illud Apostoli tui: *Induimini Dominum nostrum Jesum Christum. Rom 1.*

A SPIRITU SANCTO.

Pete tibi imprimi legem charitatis, ut cupit S.P.N. reg. 1. summar.

O Divine Spiritus: obsecro te internam amoris tui legem cordi meo inscribe, ut regulas exactè servem, & cum propheta dicam: *Viam mandatorum tuorum cucurram cum dilatasti cor meum. Ps. 118.*

A B. VIRGINE.

Pete reliquas virtutes, à S. P. N. in Constit. desideratas.

Contege me, ô mater misericor-

cordiæ fragrantibus Filii tui vestimentis, ut tanquam electus Dei, ac dilectus induam viscera misericordiæ, benignitatem, modestiam, paupertatem, castitatem & obedientiã; ut patris cœlestis benedictionem obtineam.

A S. ANGELO CUSTODE

Pete arma militis Christiani, à S. P. N. in form. Instituti præscripta.

MUni me sancte mi Angele Tutelaris armaturâ Dei, lorricâ justitiæ, galeâ salutis, scuto fidei & gladio spiritûs, ut possim stare adversus insidias Diaboli, & omnia tela nequissimi ignea extinguere. Ephes. 6.

V. Dum sotanam induis, exemplo Joannis Bergmanni & aliorum, eam osculare, indignum te eâ judicans. Et more S. Francisci Borgiæ, ter osculare terram, Deo te penitus subjiciens, & mortalitatis tuę memoriam refricans. L. 4. vite, c. 4.

VI. Dum caput pedis: Repelle à me
Do.

Domine spiritum superbię & immunditię, & orna caput meum corona cœlestis glorię.

VII. Dum cubiculo exis: cum Alexandro Lusagio, Fronti, ori, & cordi signum crucis imprimens, dic: JESUS crucifixus fit in omnibus meis cogitationibus, verbis, & operibus. Amen. Adde, quod docet S. Chrysostomus Hom. 8. ad pop. Ant. ut quoties januę limen sumus transgressuri, crucem fronti imprimamus, & hoc prius verbum loquamur: Abrenuntio tibi, Sathana, & adhæreo tibi Christe, qui es via, veritas & vita.

VIII. Dum faciem & manus lavas. ora: Pie pelicane, Jesu Domine, me immundum munda tuo sanguine! Amplius lava me, & ab iniquitate mea munda me. Psal. 50.

PRAXIS II.

Perfolvendi preces matutinas.

Circa primum quadrantem, visita Venerabile Sacramentum, si opportunitas sit; aliàs, vultum & cor illuc dirige, & ante arulam tuam in sequentes affectus ferventer erumpe.

ORA.